

Visoki predstavnik posjetio Jevrejsku općinu u Sarajevu



Uoči Dana sjećanja na holokaust, visoki predstavnik Valentin Inzko posjetio je u petak Jevrejsku općinu u Sarajevu. U svom obraćanju, visoki predstavnik je naglasio da su vladavina prava i građanski aktivizam od suštinskog značaja ako želimo spriječiti da se užasi iz prošlosti ikada ponove.

“Sredinom prošlog stoljeća, mojoj zemlji su vladali ljudi koji su pobrkali pojmove šovinizma i patriotizma i koji su smatrali da je zakon instrument za postizanje političkih ciljeva. Znamo kakve su zločine počinili ti ljudi. Prijetnju građanima Bosne i Hercegovine danas predstavljaju neki koji brkaju netoleranciju sa snagom, a ubjeđenje sa inteligencijom”.

Visoki predstavnik je dodao da javni diskurs i dalje remete štetne pretpostavke koje se odnose na moćnike, kao i percepcija da moćnici mogu raditi šta žele. To se ovdje dogodilo za vrijeme Drugog svjetskog rata, kao i tokom posljednjeg rata na ovim prostorima. Ali to se može i hoće promijeniti kada građani odluče.

“Naš zadatak je da radimo s onima koji grade suvereno, demokratsko i inkluzivno društvo potpuno integrirano u evropsku porodicu, kako bi dobro pobijedilo. A ja sam uvjeren da hoće”, zaključio je visoki predstavnik.

Međunarodni dan sjećanja na holokaust obilježava se 27. januara – na godišnjicu oslobođenja koncentracionog logora

Auschwitz-Birkenau – u sjećanje na milione ljudi koji su ubijeni u holokaustu.